

唐
音
統
籤

唐音丙籤目錄

海鹽胡震亨遜叟編

丙籤盛唐人集詩凡六十家共壹百二十五卷

丙籤一王 灣一卷

統籤之卷八十七

二劉春虛一卷

統籤之卷八十八

三儲光羲之一六卷

統籤之卷八十九

儲光羲之二

統籤之卷九十

儲光羲之三

統籤之卷九十一

儲光羲之四

統籤之卷九十二

儲光羲之五

統籤之卷九十三

儲光羲之六

四包融七篇

五丁仙芝十四篇

六蔡隱丘一首

七蔡希周一首

八蔡希寂五首

九張潮五首

十張暈二首

十一周瑀三首

十二談戢一首

統籤之卷九十四

統籤之卷九十五

三十殷 遥 五首

四十沈如筠 二首

五十孫處玄 二首

六十徐延壽 三首

七十樊 光 句

八十申堂構 句

九十王 維之一 八卷

王 維之二

王 維之三

王 維之四

統籤之卷九十六

統籤之卷九十七

統籤之卷九十八

統籤之卷九十九

王維之五

統籤之卷一百

王維之六

統籤之卷一百一

王維之七

統籤之卷一百二

王維之八

統籤之卷一百三

十二 孟浩然之一 五卷

統籤之卷一百四

孟浩然之二

統籤之卷一百五

孟浩然之三

統籤之卷一百六

孟浩然之四

統籤之卷一百七

孟浩然之五

統籤之卷一百八

二十 王昌齡之一 四卷

統籤之卷一百九

王昌齡之二

統籤之卷一百十

王昌齡之三

統籤之卷一百十一

王昌齡之四

統籤之卷一百十二

二十 陶翰一卷

統籤之卷一百十三

三十 盧象一卷

統籤之卷一百十四

四十 高適之一六卷

統籤之卷一百十五

高適之二

統籤之卷一百十六

高適之三

統籤之卷一百十七

高適之四

統籤之卷一百十八

高適之五

統籤之卷一百十九

高適之六

統籤之卷一百二十

^{二十}崔顥一卷

統籤之卷一百二十

^{二十}常建一卷

統籤之卷一百二十

^{二十}岑參之一八卷句

統籤之卷一百二十

岑參之二

統籤之卷一百二十

岑參之三

統籤之卷一百二十

岑參之四

統籤之卷一百二十

岑參之五

統籤之卷一百二十

岑參之六

統籤之卷一百二十

岑參之七

統籤之卷一百二十

岑參之八

統籤之卷一百三十

二十李頎之一三卷

統籤之卷一百三十一

李頎之二

統籤之卷一百三十二

李頎之三

統籤之卷一百三十三

二十祖詠一卷

統籤之卷一百三十四

三十賈至一卷

統籤之卷一百三十五

三十崔國輔一卷

統籤之卷一百三十六

三十崔曙一卷

統籤之卷一百三十七

三十李嶼一首

統籤之卷一百三十八

三十苑咸二首

三十丘 爲首十二

三十王之渙 五首

三十蘇源明 二首

三十綦母 一卷

四十蕭穎士 一卷

四十李華 一卷

四十張均 十一首

四十鄭虔 一首

四十張謂 一卷

五十獨孤及之一二卷

統載之卷一百三十九

統載之卷一百四十

統載之卷一百四十一

統載之卷一百四十二

統載之卷一百四十三

獨孤及之二

統載之卷一百四十

四十顏真卿一聯白卷

統載之卷一百四十

四十劉方平二首

統載之卷一百四十

四十關防六首

統載之卷一百四十

四十劉迥四首

統載之卷一百四十

十五張鼎三首

統載之卷一百四十

一十五元結之一

統載之卷一百四十

元結之二

統載之卷一百四十

元結之三

統載之卷一百四十

五十沈千運五首

統載之卷一百五十

五十 于 逝 二首

五十 孟雲卿 十五首

五十 張 彪 四首

五十 趙徵明 三首

五十 元 融 四首

五十 王 李友 八首

五十 李 白之一 二十一卷 辭句

李 白之二

李 白之三

李 白之四

統 籤之卷一百一十五

統 籤之卷一百一十五

統 籤之卷一百一十五

統 籤之卷一百一十五

李 白之五

統籤之卷一百五十五

李 白之六

統籤之卷一百五十六

李 白之七

統籤之卷一百五十七

李 白之八

統籤之卷一百五十八

李 白之九

統籤之卷一百五十九

李 白之十

統籤之卷一百六十

李 白之十一

統籤之卷一百六十一

李 白之十二

統籤之卷一百六十二

李 白之十三

統籤之卷一百六十三

李 白之十四

統籤之卷一百六十四

李 白之十五 統載之卷一百六十五

李 白之十六 統載之卷一百六十六

李 白之十七 統載之卷一百六十七

李 白之十八 統載之卷一百六十八

李 白之十九 統載之卷一百六十九

李 白之二十 統載之卷一百七十

李 白之二十一 統載之卷一百七十一

十六

杜 甫之一 統載之卷一百七十二

杜 甫之二 統載之卷一百七十三

杜 甫之三 統載之卷一百七十四

杜

甫之四

統載之卷一百

五十七

杜

甫之五

統載之卷一百

六十七

杜

甫之六

統載之卷一百

七十七

杜

甫之七

統載之卷一百

七十八

杜

甫之八

統載之卷一百

七十九

杜

甫之九

統載之卷一百

八十八

杜

甫之十

統載之卷一百

八十九

杜

甫之十一

統載之卷一百

九十二

杜

甫之十二

統載之卷一百

九十三

杜

甫之十三

統載之卷一百

九十四

杜甫之十四 統載之卷一百八十五

杜甫之十五 統載之卷一百八十六

杜甫之十六 統載之卷一百八十七

杜甫之十七 統載之卷一百八十八

杜甫之十八 統載之卷一百八十九

杜甫之十九 統載之卷一百九十

杜甫之二十 統載之卷一百九十一

杜甫之二十一 統載之卷一百九十二

杜甫之二十二 統載之卷一百九十三

杜甫之二十三 統載之卷一百九十四

杜 甫之二十四

統籤之卷一百五十

杜 甫之二十五

統籤之卷一百六十

杜 甫之二十六

統籤之卷一百七十

杜 甫之二十七

統籤之卷一百八十

杜 甫之二十八

統籤之卷一百九十

杜 甫之二十九

統籤之卷二百

杜 甫之三十

統籤之卷二百一

杜 甫之三十一

統籤之卷二百二

杜 甫之三十二

統籤之卷二百三

杜 甫之三十三

統籤之卷二百四

杜	甫之三十四	統籤之卷二百五
杜	甫之三十五	統籤之卷二百六
杜	甫之三十六	統籤之卷二百七
杜	甫之三十七	統籤之卷二百八
杜	甫之三十八	統籤之卷二百九
杜	甫之三十九	統籤之卷二百十
杜	甫之四十	統籤之卷二百十一

丙籤

唐音統籤卷八十七

王儼洛陽人登先天進士第開元初爲滎陽主簿
馬懷素請校正羣籍召學涉之士分部撰次儼在
選中秘書罷撰又入校麗正殿書後終洛陽尉詩
一卷藝文志失著集目殷璠云儼詞翰早著爲
天下所稱最者不過一二遊吳中江南意云
海日生殘夜江春入舊年詩人以來少有此
句張燕公手題政事堂每示能文令爲楷式

奉使登終南山

常愛南山遊因而盡原隰數朝至林嶺百仞登
鬼及石壯馬徑窮蒼色步緣入物奇春狀改氣遠天
香集虛洞策杖鳴低雲拂衣濕倚巖見廬舍入戶

欣拜揖問性矜勤勞示心教澄習玉英時共飯芝
草爲余拾境絕人不行潭深鳥空立一乘從此授
九轉兼是給辭處若輕飛憩來唯吐吸閑襟超已
勝廻路倏而及烟色松上深水流山下急漸平逢
車騎向晚睨城邑峯在野趣繁塵飄宦情澁一作緝
辛苦久爲吏勞生何妄執日暮懷此山悠然賦斯

一作什

晚夏馬嵬卿叔池亭即事寄京都一二知己
忝職畿甸淹濫陪時俊後才輕策疲劣勢薄常驅
走率役勞風塵秉心在巖藪宗賢開別業彤勝代

希偶竹繞清渭濱泉流白渠口逡巡期賞會揮忽
變星斗逮此乘務閑因而訪幽叟入來殊景物行
得洗紛垢林靜秋色多潭深月光厚盛香適近折
新味瓜初剖滯拙懷隱淪書之寄良友

麗正殿賜宴同勒天前烟年四韻應製

新唐書云

開元中大理卿元行冲知麗正院
奏灣與陸紹伯等諸人校麗正書

金殿忝陪賢瓊羞忽降天鼎羅仙掖裏觴拜瑱闌
前院通青霄路厨和紫禁烟酒酣空忬舞何以客
昌年

奉和賀監林月清酌

華月當秋滿朝英

一作軒

假興同淨林新霽入規

一作

窺院小

一作早

涼通碎影行筵裏搖花落酒中清宵

凝爽意併此助文雄

次北固山下

客路青山外行舟綠水前潮平兩岸闊風正一帆

懸海日生殘夜江春入舊年鄉書何處達歸鴈洛

陽邊

河岳英靈集題作江南意詩云南國多新意東行何早天潮平兩岸失風正數帆懸海日

生殘夜江春入舊年從來觀氣象惟向此中偏

觀鴈筆

一作領詠詩

虛室有春華新月復清絃多弄委曲柱促語分

明曉怨凝繁手春嬌入曼一作慢聲近來唯此樂傳
得美人情

晚春詣蘇州敬贈武員外

蘇臺憶季常飛棹歷江鄉持此功曹掾初離一作幼稱

華省郎貴門生禮樂明代秉文章嘉郡一作壁位先

進鴻儒名重揚爰從烟婭一作戚貶豈失忠信防萬

里行驥一作汗馬足十年睽鳳翔迴遷翊元聖入拜佇

惟良別業對南浦羣書滿北堂意深投轄盛才重

接筵光陋學叨鉛簡弱齡許翰場神馳勞舊國顏

展別殊方際曉雜氛散殘春衆物芳烟和疎樹滿

雨續小谿長旅拙感成慰通賢顧不忘從來琴曲
龍開匣爲君張

秋夜寓直卽事懷贈蕭令公裴侍郎兼通簡
南省諸友人

聖主萬年興賢臣數載升古靈傳嶽秀宏量稟川
澄畿甸舉長策風霜秉直繩出車遙俗震登閣滿
朝稱賦簡流亡輯農安政理憑還家新長幼巡壠
舊溝塍忠梗大助立宸瀛墮業懲焚香兼御史懸
鏡委中丞旌隼當朝立臺驄發郡乘司徒漢家重
國典潁川徵雲路俄平入台階忽上凌秉鈞調造

化宣緯慰黎烝金省方秋作瑤軒直夜凭中書贈
陳準右相簡王陵三傑賢更穆百僚歡且兢搖懷
及賓友計曲辨淄澠間闔暝陰散鈎陳爽氣凝月
深宮樹轉河近禁樓冰早吏鳳驅策徼洵效斗升
望麾宵繼火書板曙懷蒸彼此雖流盼規模轉服
膺惠將霄漢隔勞或歲時矜位重恩寧濫才輕懾
不勝林巒甘獨往疵賤苦相仍敢忘銜花雀思同
附驥蠅平生逐鳥雀何日嗣蒼鷹

哭補闕亡友綦母學士

明代資多士儒林得異才書從金殿出人向玉墀

來詞學張平子風儀褚彥回崇儀希上德近侍接
元台曩契心期早今遊宴賞陪屢遷君擢桂分尉
我從梅忽遇乘軺客云傾構厦材泣爲涸水化歎
作泰山頽冀善初將慰尋言半始猜位聯情易感
交密痛難裁遠日深旌暗長風古挽哀寰中無舊
業行處有新苔反哭蒐猶寄終喪子尚孩葬田門
吏給墳木路人栽遽洩悲成往俄傳寵令迴玄經
貽石室朱紱耀泉臺地古春長閉天明夜不開登
山一臨哭揮淚滿蒿萊

閏月七日織女

耿耿曙河微
神仙此會稀
今年七月閏
應得兩迴
歸

句

月華照杵空
隨妾風響傳
砧不到君

丙籤二

唐音統籤卷八十八

劉脊虛江東人與賀知章包融張旭號吳中四士

尤與孟浩然友善仕爲夏縣令詩一卷

唐宋二志失著集錄

鄭處海明皇雜錄云天寶末劉希夷王令然王

昌齡祖詠張若虛張子容孟浩然常建李白劉脊

虛崔署杜甫雖有文章盛名皆流落不偶殷璠

云脊虛詩情幽興遠思苦調奇忽有所得便驚衆

聽頃東南高明者十數人然聲律婉態無出其右

惟氣骨不逮諸公自永明以來可傑立江表惜其

不永天年

隕碎國寶

江南曲

美人何蕩漾湖上風日長玉手欲有贈徘徊雙明

璫歌聲隨綠水怨色起青

春作

陽日暮還家望雲

波

一作烟雲

橫洞房

潯陽陶氏別業

陶家習先隱種柳長江邊朝夕潯陽郭白衣來幾年
霽雲明孤嶺秋水澄寒天物象自清曠野情何
聯聯蕭蕭丘中賞明宰非徒然願守黍稷稅歸耕
東山田

登廬山峯頂寺

孤峯臨萬象秋氣何高清天際南郡出林端西江
明山門二緇叟振錫聞幽聲心照有無界業懸前
後生雖一作徒知真機靜尚與愛網并方首金門路

未遑參道情

尋東谿還湖中作

出山更回首日暮清谿深東嶺新別處數猿叫空
林昔遊有初迹此路還獨尋幽興方在往歸懷復
爲今雲峯勞前意湖水成遠心望望已超越坐鳴
舟中琴

越中問海客

風雨滄洲暮一帆今始歸自云發南海萬里速如
飛初謂落何處永將無所依冥茫漸西見山色越
中微誰念去時遠人經此路稀泊舟悲且泣使我

亦霜衣浮海焉用說憶鄉難久違縱爲魯連子山路有柴扉

寄閩防

防時在終南豐德寺讀書

青冥南山口君與緇錫鄰深路入古寺亂花隨暮春紛紛對寂寞往往落衣巾松色空照水一作照空水

經聲時有人晚心復南望山遠情獨親應以修往業亦惟立此身深林度空夜烟月資清真莫歎一作文明日彌年徒隱淪

暮秋楊子江寄孟浩然

木葉紛紛下東南日烟

一作雨

霜林山相晚暮天海

空青蒼暝色况復久秋聲亦何長孤舟兼微月獨
夜仍越鄉寒笛對京口故人在襄陽詠思勞今夕
江漢遙相望

送韓平兼寄郭微

上客夜相過小童能酤酒卽爲臨水處正值歸鴈

後前路望鄉山

一作關

近家見門柳到時春未暮風

景自應有余憶東州

一作周

人經年別來久殷勤爲

傳語日夕念攜手兼問前寄書書中復達否

海上詩寄薛文學歸海東

何處歸且遠送君東悠悠滄溟千萬里日夜一孤

舟曠望絕國所微茫天際愁有時近仙境不定若
夢遊或見青色古一作石孤山百里一作丈秋前心方
杳眇後路勞夷猶離別惜吾道風波敬皇休春浮
花氣遠思逐海水流日暮驪歌後永懷空滄洲

九日送人

海上正搖落客中還別離同舟去未已遠送新相
知流水意何極滿尊徒爾爲從來菊花節早已醉
東籬

送東林廉上人還廬山

一作王昌齡詩

石谿流已亂苔徑入漸微日暮東林下山僧還獨

歸常爲爐峯意况與遠公違道性深寂寞世情多
是非會尋名山去豈復無清機

積雪爲小山

飛雪伴春還春庭曉自閑虛心應任道遇賞遂成
山峯小形全秀巖虛勢莫攀以幽能皎潔謂近可
前環孤影臨冰鏡寒光射玉顏不隨遲日盡留顧
歲華間

贈喬林

一作張謂詩

去年上策不見收今年寄食仍淹留
美君有酒能共醉美君無錢能不憂
如今五侯不待客美君不

問五侯宅如今七貴方自尊羨君不過七貴門丈
夫會應有知己世上悠悠何足論

戎葵花歌

文苑英華云附見岑參集作參詩者誤

昨日一花開今日一花開今日花正好昨日花已
老人生不得長集作旦少年莫惜牀頭沽酒錢請君
有錢向酒家君不見戎葵花

寄江滔求孟六遺文

南望襄陽路思君情轉親偏知漢水廣應與孟家
鄰在口貪爲善昨來聞更貧相如有遺草一爲問
家人

句

歸夢如春水悠悠遶故鄉

駐馬渡江處望鄉待舟歸

道由白雲盡春與清溪長

時有落花至遠隨流水香開門向溪路深柳讀書

堂幽映每白日清輝照衣裳

以上見殷璠摘句
云此並方外之言

丙籤三

唐音統籤卷八十九

儲光羲延陵人登開元十四年進士第中書試文

章授上邽安宜二縣尉歷監察御史後陷安祿山

受僞署坐貶官集七十卷宋志存詩集二卷今編詩爲六

卷■兄序云初嚴黃門知考侍御與崔員外國輔

標昌齡皆當時之秀而侍御鴻黃竊遂之氣金石

梵磬之聲尤隱隱轡轅諸子股璠云儲公詩格

高調逸削盡常言趣遠情深挾風雅之道得浩然

之氣述華清宮詩云山開鴻蒙色天轉招搖星又

遊茅山詩云山門入松栢天路涵空虛此例數百

句畧見荆陽集不復廣播常觀公政論十五卷九

經義疏二十卷言博理當實可謂經國之才又云

光羲詩宏瞻縱逸務在直置蘇子由云儲詩

冲淡之趣平處似王摩詰高處似陶淵明

五言古詩一

野田黃雀行

嘖嘖野田雀不知軀體微閑穿深叢

一作陳蒿

裏爭食

復爭飛窮老一積舍東多桑樹稀無棗猶可

一作亦何

食無桑何以衣蕭條空倉暮相引時來歸斜路豈

不捷渚田豈不肥水長路且壞惻惻與心違

劉須溪云

與寄雜出必欲與人異

樵父詞

山北饒朽木山南多枯枝枯枝作采薪爨室私自
知詰朝礪斧尋視暮行歌歸先雪隱薜荔迎暄卧

茅茨清澗日濯足喬林時曝衣終年登險阻不復
憂安危蕩漾與神遊莫知是與非

漁父詞

澤魚好鳴水溪魚好上流漁梁不得意下渚潛垂
鈎亂葍時礙楫新蘆復隱舟靜言念終始安坐看
沈浮素髮隨風揚遠心與雲遊逆浪還極浦信潮
下滄洲非爲徇行役所樂在行休

牧童詞

不言牧田遠不道牧陂深所念牛馴擾不亂牧童
心圓笠覆我首長簑披我襟方將憂暑雨亦以懼

寒陰大牛隱層坂小牛穿近林同類相鼓舞觸物
成謳吟取樂須臾間寧問聲與音

采蓮詞

淺渚荇花繁深潭菱葉疎獨往方自得耻邀淇上
姝廣江無術阡大澤絕方隅浪中海童語流下鮫
人居春荻時隱舟新萍復滿湖采采乘日養不思
賢與愚

采菱詞

濁水菱葉肥清水菱葉鮮義不遊濁水志士多苦
言潮沒具區藪潦深雲夢田朝隨北風去暮逐南

風旋浦口多漁家相與邀我船飯稻以終日羹藟
將永年方冬水物窮又欲休山樊盡室相隨從所
貴無憂患

射雉詞

曝暄理新翳迎春射鳴雉原田遙一色臯陸曠千
里遙聞咿喔聲時見雙飛起暮歷疎蒿下穉鵝深
麥裏顧敵乃忘生爭雄方決死仁心貴勇義豈復
能傷此超遙下故墟迢遞回高時大夫昔何苦取
笑歡妻子

劉云只如此
自極餘味

猛虎詞

寒亦不憂雪饑亦不食人人肉豈不甘所惡傷明
神太室爲我宅孟門爲我鄰百獸爲我膳五龍爲
我賓蒙馬一何威浮江一以仁彩章耀朝日爪牙
雄武臣高雲逐氣浮厚地隨聲震若能賈餘勇日
夕長相親

昇天行貽盧六健

真人居閬風時奏清商音聽者卽三母泠泠和瑟
琴坐對三花枝行隨五雲陰天長崑崙小日久蓬
萊深上由玉華宮下視首陽岑神州亦清淨要自
有浮沈惻惻苦哉行呱呱遊子吟廬山逢若士思

飲化黃金雨雪沒太山誰能無歸心逍遙在雲漢
可以來相尋

効古二首

晨登涼風臺暮走邯鄲道曜靈何赫烈四野無青
草大軍北集燕天子西居鎬婦人役州縣丁男事
征討老幼相別離哭泣無昏早稼穡旣殄絕川澤
復枯槁曠哉遠此憂冥冥商山皓

東風吹大河河水如倒流河洲塵沙起有若黃雲
浮頽霞燒廣澤洪曜赫高丘野老泣相語無地可
蔭休翰林有客卿獨負蒼生憂中夜起躑躅思欲

唐書續錄
獻厥謀君門峻且深
跪足空夷猶

雜詩二首

混沌

一作旺渾

本無象末路多是非
達士志寥廓所在

能忘機耕鑿時未至
還山聊采薇虎豹對我蹲鸞

驚傍我飛仙人空中來
謂我勿復歸格澤爲君駕

雲

一作虹

霓爲君衣西遊崑崙墟
可與世人違

秋氣

一作風

蕭天地太行高崔嵬
援狄一作鼪清夜吟

其聲一何哀寂寥掩圭
華夢寐遊蓬萊琪樹遠亭

亭玉堂雲中開洪崖吹
簫管玉

一作素

女飄飄來雨

師旣先後

一作洗道

一作後

路無纖埃鄙哉楚襄王
獨

如雲夢臺

一作獨好
陽雲臺

同王十三維偶然作十首

仲夏日中時草木看欲焦田家惜功力把鋤來東
臯顧望浮雲陰往往誤傷苗歸來悲困極兄嫂共
相饒無錢可沽酒何以解劬勞夜深星漢明庭宇
虛寥寥高柳三五株可以獨逍遙

北山種松柏南山種蒺藜出入雖同趣所尚各有
宜孔丘貴仁義老氏好無爲我心若虛空此道將
安施暫過伊闕間晚晚三伏時高閣入雲中芙蓉
滿清池要自非我室還望南山郵

野老本貧賤，冒雨鋤瓜田。一畦未及終，樹下高枕眠。
荷篠者誰子，皤皤來息肩。不復問鄉墟，相見但依然。
腹中無一物，高話羲皇年。落日臨層閣，逍遙望晴川。
使婦提蠶筐，呼兒榜漁船。悠悠泛綠水，去摘浦中蓮。
蓮花豔且美，一作妍使我不能還。劉云又入別調

轉覺幽遠

浮雲在虛空，隨風復卷舒。我心方處順，動作何憂虞。
但言嬰世網，不復得閑居。迢遞別東國，超遙來西都。
見人乃恭敬，曾不問賢愚。雖若不能言，中心亦難誣。
故鄉滿親戚，道遠情日疎。偶欲陳此意，復

無南飛鳬

草木花葉生相與命爲春當非草木意信是故時
人靜念惻羣物何由知至真狂歌問夫子夫子莫
能陳鳳凰飛且鳴容裔下天津清淨無言語茲焉
庶可親

黃河流向東弱水流向西趨舍各有異造化安能
齊妾本邯鄲女生長在叢臺叶旣聞容見龍復想
玄爲妻刻畫尚風流幸會君招攜逶迤歌舞座婉
孌芙蓉閨日月方向除恩愛忽焉睽棄置誰復道
但悲生不諧羨彼匹婦意偕老常同棲

日暮登春山山鮮雲復輕遠近看春色踟躕新月
明仙人浮丘公對月時吹笙丹鳥飛熠熠蒼蠅亂
營營羣動汨吾真訛言傷我情安得如子晉與之
遊太清

眈眈銅鞮宮遙望長數里賓客無多少出入皆珠
履朴儒亦何爲辛苦讀舊史不道無家舍効他養
妻子冽冽玄冬暮衣裳無準擬偶然著道書神人
養生理公卿時見賞賜賚難具紀莫問身後事且
論朝夕是

空山暮雨來衆鳥竟棲息斯須照夕陽雙雙復撫

翼我念天時好東田有稼穡浮雲蔽川原新流集
溝洫徘徊顧衡宇僮僕邀我食卧覽一作牀頭書

睡看機中織想見明膏煎中夜起唧唧

四鄰競豐屋我獨好卑室窈窕高臺中時閑撫清
瑟狂飈動地起拔木乃非一相顧始知悲中心憂
且慄蚩蚩命子弟恨不居高秧日入賓從歸清晨
冠蓋出中庭有奇樹榮卑暮復疾此道猶不知微
言安可述

田家卽事

蒲葉日已長杏花日已滋老農要看此貴不違天

時迎晨起飯牛雙駕耕東菑蚯蚓土中出田鳥隨
我飛羣合亂啄噪嗷嗷如道饑我心多惻隱顧此
兩傷悲撥食與田鳥日暮空筐歸親戚更相謂我
心終不移

田家雜興八首

劉云首首皆妙有此田家選
詩補注云八詩雖以田家雜

興命題要皆感時傷
古托興取喻之言

春至鵲鷦鳴薄言向田墅不能自力作黽勉娶鄰
女旣念生子孫方思廣園圃閑時相顧笑喜悅好
禾黍夜夜登嘯臺南望洞庭渚百草被霜露秋山
響砧杵却羨故年時中情無所取

衆人耻貧賤相與尚膏腴我情既浩蕩所樂在畋
漁山澤時晦暝歸家暫閑居滿園植葵藿繞屋樹
桑榆禽雀知我閑翔集依我廬所願在優游州縣
莫相呼日與南山老瓦然傾一壺

逍遙阡陌上遠近無相識落日照秋山千巖同一
色網罟繞深莽鷹鷂始輕翼獵馬旣如風奔獸莫
敢息駐旗滄海畔犒士吳宮側楚國有夫人性情
本貞直鮮禽徒自致終歲竟不食

田家趨隴畝當晝掩虛關鄰里無烟火兒童共幽
閑桔槔懸空圃雞犬滿桑間須臾一作時來農事隙采

藥遊名山但願所采多不言路險艱人生如蜉蝣
一往不可攀君看西王母千歲美容顏

貧士養情性不復知憂樂去家行賣畚留滯南陽
郭秋至黍苗黃無人可刈獲孺子朝來飯把竿逐
鳥雀忽見梁將軍乘車出宛洛意氣軼道路光輝
滿墟落安知負薪者啞啞笑輕薄

楚山有高士梁國有遺老築室旣相鄰向田復同

道糗糒常共飯兒孫每

紀事
作日

更抱忘此耕耨勞愧

彼風雨好蟬蛄鳴空澤鷓鴣傷秋草日夕寒風來

衣裳苦不早

梧桐蔭我門
薜荔網我屋
超超兩夫婦
朝出暮還
宿稼穡既自務
紀事作種牛羊還自牧
日旰耕鋤登
高望川陸
空山足禽獸
墟落多喬木
白馬誰家兒
駘駘相馳逐

種桑百餘樹
種黍三十畝
衣食既有餘
時時會親友
夏來菰米飯
秋至菊花酒
孺人喜逢迎
稚子解趨走
日暮閑園裏
團團蔭榆柳
酩酊乘夜歸
涼風吹戶牖
清淺望河漢
低昂看北斗
數甕猶未開
明朝能飲否
劉云北陶差健而瞻各自好

閑居

薄遊何所愧所愧在閑居親故不來往中園時讀
書步欄滴餘雪春塘抽新蒲梧桐漸覆井時鳥自
相呼故鄉乃在天一隅安得如浮雲來往
方須臾

喫茗粥作

當晝暑氣盛鳥雀靜不飛念君高梧陰復解山中
衣數片遠雲度曾不蔽炎暉淹留膳茶粥共我飯
蕨薇敝廬既不遠日暮徐徐歸

仲夏入園中東陂

方塘深且廣伊昔俯吾廬環岸垂綠柳盈潭發紅

葉上延北原秀下屬幽人居暑雨若混沌晴明如
空虛此鄉多隱逸水陸見樵漁廢賞亦何貴爲歡
良易攄且言重觀國當此賦歸歟

晚霽中園喜赦作

五月黃梅時陰氣蔽遠邇烟雲連晦朔菰菜生鄰
里落日燒霞明農夫知雨止幾悲衽席濕長歎垣
牆毀矐朗天宇開家族躍以喜渙汗發大號坤元
更資始散衣出中園小徑尚滑履池光搖萬象倏
忽滅復起嘉樹如我心欣欣豈云已

次天元十載華陰發兵作

時存郎官點發

鬼方生獫狁時寇盧龍營帝念霍嫫姚詔發咸林
兵天星下文閣簡師臨我城三陌觀勇夫五餌謀
長纓雷野大車發震雲靈鼓鳴太華色莽蒼清渭
風交橫胡馬悲雨雪詩人歌旆旌關氏爲女奴單
于作邊氓神皇麒麟閣大將不書名

觀范陽遁俘

北河旄星殞鬼方彌林胡羣師舞弓矢電發歸燕
墟皇皇軒轅君贊贊臯陶謨方思壯軍實遠近遁
生俘車馬踐大遼合沓成深渠牧人過橐駝校正
引駒駼烈風朝送寒零雪靄天隅草木同一色誰

能辨榮枯四履封元戎百金酬勇夫大邦武功爵
固與炎皇殊

內籤三儲光義之二

唐音統籤卷九十

五言古詩二

秦中歲晏馬舍人宅宴集

冬暮久無樂西行至長安故人處東第清夜多新
歡廣庭竹陰靜華池月色寒知音盡詞客方見交
情難

夏日尋藍田唐丞登高宴集

東望春明門駕言聊出遊南行小徑盡綠竹臨清
流君出罷六安居此澹忘憂園林與城市間井隨
人幽披顏闕衡闌置酒登崇丘山河臨咫尺宇宙

窮寸晷是時春載陽佳氣滿皇州宮殿碧雲裏鴛
鴦初命儔良辰方在茲志士安得休成名苟有地
何必東陵侯

晦日任橋池亭

溫泉作天邑直北開新洲未有菰生卽聞鳬鴈
遊六亭在高岸數島居中流晦日望清波相與期
泛遊西道苦轉轂北堤疲行舟清冷水木陰纔可
適我憂

朝邑蔡主簿期不會

下位日趨走久之會賓疎空遲偶詞賦所愧比園

廬朝念池上酌暮逢林下書方將固封守暫欲混
畋漁衰柳隱長路秋雲滿太虛遙遙望左右日入
未迴車

日入清風至知君在西偏車輿旣成列賓僕復能
賢迢遞下坂逍遙看井田蒼山起暮雨極浦浮
長烟服義大如志交歡數盡年寧言十餘里不見
空來還

同諸公秋霽曲江俯見南山

品彙作高
適詩誤

天靜終南高俯映江水明有若蓬萊下淺深見澄
瀛羣峯懸中流石壁如瑤瓊魚龍隱蒼翠鳥獸遊

清冷菰蒲林下秋薜荔波中輕山憂浴蘭吐水若
居雲屏嵐氣浮渚宮孤光隨曜靈陰陰豫章館宛
宛百花亭大君及羣臣宴樂方嚶鳴吾黨二三子
蕭晨怡性情逍遙滄洲時乃在長安城

同諸公秋日遊昆明池思古

僕人理車騎西出金光遠蒼蒼白帝郊我將遊靈
池太陰連晦朔雨與天根連淒風披田原橫汙益
山陂農畷盡顛沛顧望稼穡悲皇靈惻羣昨神政
張天維坤紀戮屏翳元綱扶逶迤迴塘清滄流大
曜懸金暉秋色浮渾沌清光隨漣漪豫章盡莓苔

柳杞成枯枝驟聞漢天子征彼西南夷伐棘開洪
淵秉旄訓我師震雲靈鼙鼓照水蛟龍旂銳士千
萬人猛氣如熊羆刑罰一以正干戈自有儀坐作
河漢傾進退樓船飛羽發鴻鴈落桂動芙蓉披我
我二雲宮肅肅振旅歸惡德忽小醜器用窮地貲
上兵貴伐謀此道不能爲吁哉蒸人苦始曰征伐
非穆穆軒轅朝耀德守古誼君臣日安閑遠近無
怨思石鯨旣踰蹬女牛亦流離獫獫遊渚隅葭蘆
生潯湄坎埴四十里填淤今已微江伯方翱翔天
果盛往來桑榆黯無色佇立暮霏霏老幼樵木還

唐詩集
賓從廻轡羈帝夢鮮魚索明月當報時

同諸公登慈恩寺塔

金祠起真宇直上青雲垂地
我亦閑登之秋清
時蒼蕪宜春苑片碧昆明池誰道天漢高逍遙方
在茲虛形賓太極攜手行翠微雷雨傍杳冥鬼神
中躩踞靈變在倏忽莫能窮天涯冠上閭闔開履
下鴻鴈飛宮室低邈迤羣山小參差俯仰宇宙空
庶隨了義歸前男非大廈久居亦以危

登秦嶺作

時陷賊
歸國

朝出猛獸林躩踞登高峯僮僕履雲霧隨我行太

空羲和舒靈暉倏忽西極通剋首望涇渭隱隱如
長虹九達合蒼蕪五陵遙臆朦鹿遊大明殿霧濕
華清宮網羅蟻蠓時顧齒熊羆鋒矢途走江漢不
能有其功氣逐招搖星鬼隨閭闔風唯言宇宙清
復使車書同林木被繁霜合沓連山紅鵬鶚厲羽
翼俯視荆棘叢誓將倉鷁鵠然後歸崆峒

登商丘

河水日夜流客心多殷憂維梢歷宋國結纜登商
丘漢皇封子弟周室命諸侯搖搖世祀遠傷古復
兼秋鳴鴻念極浦征旅慕前儔太息梁王苑時非

牧馬遊

游茅山五首

十年別鄉縣西去入皇州此意在觀國不言空遠
遊九衢平若水利往無輕舟北洛反初路東江還
故丘春山多秀木碧澗盡清流不見子桑扈當從
方外求

世業傳儒行行成非不榮其如懷獨善况以聞長
生家近華陽洞早年深此情巾車雲路入理棹瑤
谿行天地朝光滿江山春色明王廷有軒冕此日
方知輕

平生非作者望市懷清分心以道爲際行將時不
羣茲山在人境靈眈久傳聞遠勢一峯出近形于
嶂分冬春有茂草朝暮多鮮雲此去亦何極但言
西日驪

昔賢居柱下今我去人間良以直心曠兼之外視
閑垂綸非釣國好學與希顏落日登高嶼悠然望
遶山谿流碧水去雲帶清陰還想見中林士巖扉
長不關

名嶽徵仙事清都訪道書山門入松栢天路潤空
虛南極見朝采西潭聞夜漁遠心尚雲宿浪跡出

林居爲已存實際忘形同化初此行良已矣不樂
復何如

泛茅山東谿

清晨登仙峯峯遠行未極江海霽初景草木含新
色而我任天和此時聊動息望鄉白雲裏發棹清
谿側松栢生深山無心自貞直

輦城東莊道中作

北陵散寒鳥西山照初日婉孌晉陽京脚躡野人
室南軒草間去後乘林中出靄靄長路暖遲遲狹
路歸蟬蛩時蔽月枳棘復傷衣城上東風起河邊

早鴈飛夏王紀冬令殷人乃正月涯口度新雲山
陰留故雪幸逢耆耄諾餘待親鄰別總轡出叢薄
歇鞍登峻隅春源旣蕩潏伏獸亦睢盱未獲遵平
道徒言信薄夫

行次澳梁田家作

田家俯長道邀我避炎氛當暑日方晝高天無片
雲桑間禾黍氣柳下牛羊羣野雀栖空屋晨風不
復聞前登澳梁坂極望溫泉分逆旅方三舍西山
猶未曛

赴馮翊作

本自江海人且無寥廓志大明耀天宇雷厲風雨
被迢遞別荆吳飄飄涉沂泗廣川俟舟楫峻坂傷
騏驎踰蹬失歸道崎嶇從下位西出太華陰北走
少梁地蔥蘢墟落色泱泱關河氣耻從俠烈遊甘
爲刀筆吏寶劍茱萸匣豈忘知音貴大道且泛然
沈浮未云異

過新豐道中

西下長樂坂東入新豐道雨多車馬稀道上生秋
草太陰蔽臯陸莫知晚與早雷雨杳冥冥川谷漫
浩浩詔書植嘉木自昔十八年有詔植果衆言桃李好自愧

顧作無此容歸從漢陰老

夜到洛口入黃河

河洲多青草朝暮增客愁客思惜朝暮枉渚暫作

停舟中宵大川靜解纜逐歸流浦澈既清曠沿

洄非阻修登艫望落月擊汰作悲新秋儻偶乘

槎客永言星漢遊

使過彈箏峽作

鳥雀知天雪羣飛復羣鳴原田無遺粟日暮滿空

城達士憂世務鄙夫念王程晨過彈箏峽馬足凌

兢行雙壁隱靈曜莫能知晦明皚皚堅冰白漫漫

陰雲平始信古人言苦節不可貞

望幸亭

五年一巡狩西幸過東畿周國易居守周人多怨
思君王敷惠政程作貴從時大厦非一木沈沈臨
九達慶雲宿飛棟嘉樹羅青墀疏屏宜朝享方塘
堪水嬉雲中仰華蓋桁下望春旗天意知如此星
言歸洛師

劉先生閑居

先生及第後爲道
士又從戎而後歸

高第後歸道乃居玉華宮逍遙人間世不異浮丘
公甘寢何秉羽出門忽從戎方將遊崑崙又欲金

崆峒進退旣在我歸來長安中焚香東海君侍坐
西山童善行無轍迹吾亦安能窮但見神色閑中
心如虛空期之比天老真德輔帝鴻

題崔山人別業

南陽隱居者築室丹谿源谿冷懼秋晏室寒欣景
暎山雞鳴菌閣水霧入衡門東嶺或舒嘯北牕時
討論封君渭川竹逸士漢陰園何必崆峒上獨爲
堯所尊

述華清宮五首

天寶六年冬十月皇帝如驪山溫泉宮名其宮曰華清

上在蓬萊宮莫若居華清朝朝禮玄閣日日聞體

輕大聖不私已精裡爲羣氓

上山蓬萊時六龍儼齊首長道舒羽儀彤雲映前後
天聲殷宇宙真氣到林藪

昔在軒轅朝五城十二樓今我神泉宮獨在驪山
阪羣方趨順動百辟隨天遊

正月開陽和通門緝元化穆穆晬容歸豈爲明燈
夜高山大風起肅肅隨龍駕

上林神君宮此地卽明庭山開鴻濛色天轉招搖

星三雪報大有孰謂非我靈

劉云得洞歌體

至嵩陽觀卽天皐故宮

真人上清室乃在中峯前花霧生玉井霓裳肅列
仙念茲宮故宇多此地新泉松柏有清陰薜蘿亦
自妍一聞步虛子又話逍遙篇忽若在雲漢風中
意冷然

題太玄觀

門外車馬喧門裏宮殿清行卽翳若木坐卽吹玉
笙所喧旣非我真道其冥冥

述降聖觀

一山盡天苑一峯開道宮道花飛羽衛天鳥遊雲
空玉殿俯玄水春旗搖素風夾門小松柏覆井新

唐詩續集
梧桐自昔大仙下乃知元化功神皇作桂館此意
與天通

題應聖觀

空中望小山山下見餘雪皎皎河漢女在茲養真
骨登門駭天書落簫問仙訣池光搖水霧燈色連
松月合輒起花臺折草成玉節天雞弄白羽王母
垂玄髮
紀有祈年宮一路在雲霓上心方嚮道時
復朝金闕

昭聖觀

主家隱谿口微路入花源數日朝青閣彩雲猶在

門雙樓夾一殿玉女侍玄元扶櫟盡蟠木步櫚多
畫幡新松引天籟一作調小柏繞山樊坐弄竹陰遠
行隨谿水喧石池辨春色林獸知人日未逐鳳凰
去真宮在此原

薦玄德公廟

神道本無已成化亦自然君居寥天上德在玉華
泉真遊踐王豫永日遲雲仙表微在營道明祀將
祈年靈山俯新邑松上生彩煙豈知穆天子遠去
瑤池邊

題平道士房

全神不言命所尚道家流迫此遠南楚遂令思北
遊先生秀衡嶽玉立居玄丘門帶江山靜房隨瑤
草幽逍遙三花發罔象五雲浮自有太清紀曾垂
華髮憂大年方橐籥小智卽蟬蛸七日赤龍至莫
令余獨留

題辨覺精舍

朝隨秋雲陰乃至青松林花閣空中遠方池巖下
深竹風亂天語谿響成龍吟試問真君子遊山非
世心

題昞上人禪居

真王清淨子燕居復行心結宇隣居邑寤言非遠
尋丹青丈室滿草樹一庭深秀色玄冬發交枝白
日陰江流映朱戶山鳥鳴香林獨往已寂寂安知
浮與沉

京口題崇上人山亭

即京口郭內山也

清旦歷香巖巖徑紆復直花林開宿霧遊目清霄
極分明牕戶中遠近山川色金沙童子戲香飯諸
天食呌呌海鴻聲軒軒江燕翼寄言清淨者閭閻
徒自踣